

Sarajevo, 28-12-2017
Broj: 0203-61431



Na osnovu člana 18. Stav 1. Zakona o javnim nabavkama („Službeni glasnik BiH“ broj 39/14), člana 37. Statuta Kliničkog centra Univerziteta u Sarajevu, člana 6, 10 i 11 Pravilnika o javnim nabavkama br. 0202-14542 od 29.03.2017. god. na prijedlog Tehničkog sektora Generalna direktorica donijela je:

ODLUKU

o pokretanju postupka javne nabavke za izbor najpovoljnijeg ponuđača

I

Ovom odlukom odobrava se pokretanje postupka javne nabavke za izbor najpovoljnijeg ponuđača za nabavku i isporuku pomoćnih kreveta za pratioca djeteta za potrebe Pedijatrijske klinike i Klinike za dječiju hirurgiju KCUS-a. Nabavka iz prethodnog stava provest će se primjenom konkurentskog zahtjeva. Objava obavještenja o nabavci i tenderske dokumentacije će se izvršiti na portalu Agencije za javne nabavke.

II

Za realizaciju nabavke iz člana 1. ove odluke odobravaju se finansijska sredstva u iznosu od 40.000,00 KM bez uračunatog PDV-a. Postupak je podjeljen na 2 lota (lot1 33.000,00 KM bez PDV-a i lot2 7.000,00 KM bez PDV-a). Nabavka se vrši na osnovu posebne Odluke o pokretanju postupka javne nabavke br. 0203-61429 od 28.12.2017. godine i doniranih sredstava iz Budžeta Kantona Sarajevo za 2017 godinu-dodatna sredstva, a na osnovu obavijesti o Izmjeni i dopuni Budžeta Kantona Sarajevo za 2017.godinu od strane Ministarstva zdravstva KS br.10-14-29040-5/17 od 01.11.2017. (naš br. 0203-51414 od 08.11.2017. godine)

Uslov plaćanja predviđen za postupak nabavke je 40% avans, ostatak odgođeno 30 dana po ispostavljenom računu.

III

Realizaciju nabavke iz člana 1. ove odluke provest će Tehnički sektor putem Komisije za sprovođenje postupka javne nabavke, u skladu sa postupcima regulisanim Zakonom o javnim nabavkama, podzakonskim aktima i općim aktima ugovornog organa KCUS-a.

IV

Zaključenje ugovora ili drugog pravnog posla u cilju realizacije predmetne nabavke provesti će se u skladu sa ovlaštenjima utvrđenim Zakonom o javnim nabavkama, podzakonskim aktima i općim aktima ugovornog organa KCUS-a.

V

Odluka stupa na snagu danom donošenja.

OBRAZLOŽENJE

Tehnički sektor, za potrebe Pedijatrijske klinike i Klinike za dječiju hirurgiju KCUS-a, obratio se Generalnoj direktorici sa zahtjevom za saglasnost za pokretanje postupka javne nabavke na osnovu obavijesti o Izmjeni i dopuni Budžeta Kantona Sarajevo za 2017.godinu od strane Ministarstva zdravstva KS br.10-14-29040-5/17 od 01.11.2017. (naš br. 0203-51414 od 08.11.2017. godine) nabavku i isporuku pomoćnih kreveta za pratioca djeteta.

Realizacija nabavke iz predhodnog stava finansirat će se iz Budžeta Kantona Sarajevo za 2017.godinu-dodatna sredstva u iznosu od 40.000,00 KM bez PDV-om.

Obzirom da su sredstva obezbjeđena, utvrđeno je da su ispunjene sve pretpostavke za realizaciju nabavke, te je shodno Zakonu o javnim nabavkama, te usvojenim općim aktima ugovornog organa predmetni zahtjev dostavljen Generalnoj direktorici na konačno odobravanje.

Cijeneći navedeno donesena je odluka kao u dispozitivu.

RUKOVODILAC TEHNIČKOG SEKTORA
Nuriya Jusupović, dipl.ing.el.



GENERALNA DIREKTORICA
Prof.dr. Sebija Izetbegović

Handwritten signatures and initials in blue ink at the bottom left corner.